



SIUMUT
INATSISARTUT

11. november 2015

Inatsisartut suleriaasianni § 37 naapertorlugu Naalackersuisunut apeqqutit matumuuna imaattut saqqummiutissavakka:

Apeqqutit:

- 1. Inuiaat timersornikkut unammiaartarfissaannik "National Stadion"-mik pilersitsinissaq siunertaralugu pilersaarummik Naalackersuisut kingusinnerpaamik 2016-imi ukiakkut saqqummiunneqartussamik suliaqaqquneqarnerat sumummita killippa?**
- 2. "National Stadion"-imik pilersitsinissaq siunertaralugu pilersaarummik suliaqarniarnermi maannamummita susassaqtartut kikkut tusarniaavigineqarsimappat?**

(Inatsisartuni Ilaasortaq Anders Olsen, Siumut)

Tunggavilersuut:

Akunnerup naanerani Nunatta Danmarkillu isikkamik arsaallutik unammisaqattaarnerat nuannivissumik inuiannut Kalaallinut takutitsiviuvoq. Tassanimi takuarput Kalaallit arsaattartui nunanut siuarsimasorsuarnut isikkamik arsaannikkut unammillersinnaassusiat qanoq pitsaatigisoq.

Inuiaat timersuutiniq atuisarnerisa misissuiffigineqarnerat qanittukku saqqummiunneqartoq eqqarsaatigalugu isikkamik arsaannerup annertuumik nuannarineqarluni atugaanera naqissuserneqarpoq.

Taamatuttaaq isikkamik arsaattartut kattuffiata (GBU) qanittukku oqariartuutaasa ilagaat isikkamik arsaattartut kattuffissuinit soorlu FIFA-mut ilaasortannngorniarnissap sulissutigineqarnerata nukit-torsarneqarnissaa, taamaattoqassappallu arsaattarfisigut pitsaasumik ineriartortitsinissaq avaqunneqarsinnaanngitsoq unnerlugu.

Ukiuni kingullerni nammineq piumassutsiminnik suliniaqatigiiffiit ivigaasanik qallikkanik arsaattarfinnik pilersitsiortorlutik aallartereerput, taamatuttaaq Kommuneqarfik Sermersooq oqariartuuteqarpoq Nuummi, Tasiilami kiisalu Ittoqqortoormiini ivigaasanik qallikkanik arsaattarfinnik pilersitsiortornissaminnik.

Sineriassuatsinni ivigaasanik qallikkanik arsaattarfinnik pilersitsinissat pimoorussamik aallunniarneqarneq nuannaarutissaavoq annertoq, taassumalli malitsigisariaqarpaa nunatta inuiattut unammiaartarfeqalernissaanik pimoorussilluni sulinissap.

"National Stadion"-mik pilersitsinissaq siunertaralugu misissuinissamut aningaasat 1 mio. koruunit ukioq manna immikkoortinneqareernikuupput, naatsorsuutigaaralu misissuinerit pisariallit pingaaruteqartullu aallunneqalereersimassasut. Aningaasaleereerpugummi.